



**FROSTHEIMAR**  
FRÍSTUNDAHEIMILI   
TJÖRNIN • FRÍSTUNDAEIMILI

# Aðgerðaráætlun Frostheima 2018-2019

## Inngangur

Frístundaheimilið Frostheimar heyrir undir frístundamiðstöðina Tjörnina sem þjónustar Vesturbæ, Miðborg og Hlíðar. Tjörninn heyrir undir skóla- og frístundasvið Reykjavíkur.

Frostheimar þjónusta börn á aldrinum 8 og 9 ára í Vesturbænum og er staðsett við Frostaskjól 6.

Forstöðukonur eru Dórothea Ævarsdóttir og Heba Agneta Stefánsdóttir og aðstoðarforstöðukona er Haydeé Adriana Lira Nunez.

Starfsáætlanir frístundamiðstöðvanna 2018-2019 eru unnar út frá Menntastefnu Reykjavíkurborgar og Stefnu um frístundaþjónustu í Reykjavík til 2025. Einnig er tekið mið af lögum og reglugerðum, upplýsingum um þátttöku í starfinu, niðurstöðum kannana um starfið og rannsóknum á stöðu barna og unglunga í hverfinu. Starfsáætlunin tekur gildi 1. september 2018 og gildir til 31. ágúst 2019.

Frostheimar fylgja starfsáætlun Tjarnarinnar sem hægt er að nálgast á heimasíðu Tjarnarinnar [www.tjornin.is](http://www.tjornin.is). Þar má finna nánari upplýsingar um markmið og leiðir í starfinu.

Aðgerðaráætlun hverrar starfseiningar er sett upp í svipuðu formi og skóladagatal til að foreldrar og forráðamenn geti fylgst með dagskránni hverju sinni. Athugið að aðgerðaráætlunin er lifandi skjal sem getur tekið breytingum yfir starfsárið.

## Leiðarljós, hlutverk, framtíðarsýn og gildi

### Leiðarljós

Að öll börn og ungmenni í borginni eigi kost á menntun og leik við sitt hæfi, þar sem ýtt er undir sköpun og frumkvæði og byggt er á styrkleikum, áhuga og færni hvers og eins. Þeim líði vel, fari stöðugt fram og öðlist uppeldi og menntun sem nýtist þeim í lífinu.

### Hlutverk og framtíðarsýn

Að koma til móts við þarfir ólíkra einstaklinga, stuðla að alhliða þroska þeirra og búa þá undir virka þátttöku í lýðræðissamfélagi sem tekur örum breytingum.

Framtíðarsýn skóla- og frístundasviðs er að gefa börnum og ungmennum rík tækifæri til að rækta hæfileika sína og blómstra í leik, námi, starfi og lífinu almennt.

Einnig hefur sviðið sett sér það hlutverk að vera framsækið forystuafli í skóla- og frístundastarfi. Frístundamiðstöðvar leggja áherslu á að börnum og unglungum standi til boða frístundastarf sem hefur uppeldis- og menntunargildi og tekur mið af aldri þeirra og þroska. Áhersla er lögð á virka þátttöku, reynslunám, lýðræði og mannréttindi. Sérstaklega er hugað að því að virkja einstaklinga sem þurfa sérstaka hvatningu og stuðning vegna fötlunar eða félagslegrar stöðu. Starf á vegum frístundamiðstöðva er í eðli sínu forvarnarstarf þar sem unnið er með viðhorf og atferli barna og unglunga í átt til heilbrigðs lífsstíls og virkni í samfélaginu.

## Gildi í öllu starfi frístundamiðstöðvar Tjarnarinnar:

**Framsækni** - gott getur alltaf orðið betra!

**Umhyggja** - okkur er ekki sama!

**Fjölbreytileiki** - með opnum, hug opnast dyr!

## Umbótaþættir og áhersluatriði

Frístundamiðstöðvar vinna sínar starfsáætlanir fyrir 2018-2019 út frá stefnukorti skóla- og frístundasviðs og þeim markmiðum sem sett voru fram með stefnukortinu þegar sviðið var stofnað. Að auki eru þær unnar út frá umbótaþáttum starfsáætlunar SFS 2018 sem eru:

- ✓ **Málþroski, lestrarfærni og lesskilningur**
- ✓ **Verk-, tækni og listnám**
- ✓ **Lýðræði, jafnrétti og mannréttindi**
- ✓ **Fjölmennning**

Að auki hafa frístundamiðstöðvarnar sett sér þrjú áhersluatriði sem unnið verður með þvert á borgina. Þau eru:

- ✓ **Lýðræði**
- ✓ **Lýðheilsa**
- ✓ **Foreldrasamstarf**

Lykilfærniþætti sem unnið er með í starfinu má finna í starfsskrá frístundamiðstöðvanna í Reykjavík. Þeir eru:

- ✓ **Sjálfmynd**
- ✓ **Umhyggja**
- ✓ **Félagsfærni**
- ✓ **Virkni og þátttaka**

Við gerð þessarar aðgerðaráætlunar Frostheima 2018-2019 var leitast við að hafa víðtækt samráð við sem flesta hagsmunaaðila til þess að geta sem best mætt þörfum þeirra og óskum um þjónustu. Meðal annars var leitað eftir hugmyndum barnanna um það hvernig þau vilja sjá starfið. Á Barnaráðsfundi Frostheima í maí 2018 voru spurningar lagðar fyrir börnin og komu meðal annars eftirfarandi vangaveltur og svör frá þeim:

Hvað finnst þér skemmtilegt að gera í Frostheimum?

- ✚ Spila í Kaffiheimi
- ✚ Baka með Atla í Eldheimum
- ✚ Vera í Listaheimi með Önnu Birtu
- ✚ Ævintýraspil með Stebba er skemmtilegast í heimi
- ✚ Allt í Teiknihorni með Jóu
- ✚ Leikir í Íþróttahémi
- ✚ Föndra í Listaheimi
- ✚ Bangsaklúbbur var lang skemmtilegastur
- ✚ Leiklistaklúbbur með Dóru J. var mjög skemmtilegur

Er eitthvað leiðinlegt?

- ✚ Að spila í Kaffiheimi, ég spila aldrei

- ✚ Þvo sér um hendur, ég nenni því ekki og mér er alveg sama þó ég fái njálg
- ✚ Að bíða í röð
- ✚ Teiknihorn þegar það er frjálst
- ✚ Að vera úti í vondu veðri í frímínútum
- ✚ Að bíða lengi eftir kennara fyrir utan Sólheima
- ✚ Á gervigrasi í frímínútum þá ráða strákar og enginn segir neitt
- ✚ Þegar þau sem eru staurar í teygjutvist hreyfa sig

Hvar í Frostheimum finnst þér gott að vera / á hvaða svæði finnst þér gott að vera?

- ✚ Mér finnst best að vera í Kaffiheimi að spila x3
- ✚ Uppáhalds að vera með Önnu Birtu í Listaheimi
- ✚ Leshorninu með eyrnahlífar
- ✚ Íþróttiheimi í leikjum og Just dance

Viltu breyta einhverju í frístundaheimilinu?

- ✚ Nei, en ég mundi hafa Þristinn líka, ekki bara Fjarkann fyrir 4. bekk
- ✚ Sleppa frímínútum en það er ekki hægt, ég veit það. Byggja yfir útisvæðið

Einnig var leitað til foreldra og þeir hvattir til að koma tillögum um verkefni eða betrubætur á starfinu til forstöðumanna sem gætu nýst í þessari vinnu. Frétt fór inn á Facebook síðu foreldra þar sem foreldrum var gefinn kostur á að koma ábendingum á framfæri og senda inn tillögur. Ekki bárust neinar ábendingar né tillögur frá foreldrahópnum. Síðast en ekki síst voru starfsmenn virkir í vinnunni og komu með ýmsar góðar tillögur að verkefnum þar sem við náum að koma framangreindum markmiðum og áherslum í aldursviðeigandi og áhugahvetjandi verkefni fyrir krakkana.

## Aðgerðaráætlun 2018-2019

Aðgerðaráætlun er í takt við skólaárið og nær frá 22.ágúst-21.ágúst. Hér á eftir munum við lista upp helstu verkefni og viðburðina sem eru í hverjum mánuði starfsársins fyrir sig. Þess ber að gæta að þessi listi er ekki tæmandi eða bindandi, enda er starfið okkar lifandi vettvangur sem tekur mið af þörfum þess barna- og starfsmannahóps sem hjá okkur er. Hann á þó að gefa góða mynd af því hvernig við vinnum og hvernig við setjum framangreind markmið og áhersluþætti í framkvæmd í raunverulegum verkefnum. Ávallt er boðið upp á útiveru, hreyfingu og frjálstan leik í bland við fjölbreyttar smíðjur, klúbba og þematengd verkefni. Með þessu móti náum við góðu jafnvægi á milli þess að leyfa börnunum að njóta sín með félögum sínum og sinna sínum hugðarefnum þegar formlegri dagskrá skólans sleppir og að fá útrás fyrir hreyfipörf sína, náttúrulega forvitni og skapandi hugsun þannig að þau fái það mesta út úr veru sinni í frístundaheimilinu Frostheimum. Áhersla er lögð á það að styðja við lestrarnám barnanna með óformlegum hætti, svo sem með því að hafa alltaf myndasöguklúbb þar sem börnin sem hann velja læra að lesa myndasögur, teikna þær og vinna bæði með lestur og skrift. Einnig er gott aðgengi að bókum í frístundaheimilinu og með því að hafa ritmálið sýnilegt í umhverfinu, m.a. með því að merkja helstu hluti og rými í starfinu með bæði orðmynd. Þannig náum við líka að styðja við og ýta undir markvisst íslenskunám hjá börnum sem ekki eru með íslensku að móðurmáli. Við erum einnig dugleg að nýta okkur bókasöfnin í hverfinu.

Við vinnum út frá hugmyndafræðinni um virkt barnalýðræði þar sem við leitum fjölbreyttra leiða til að fá fram sjónarmið og raddir barnanna og notum við til þess fjölbreyttar leiðir. Eitt af því sem

við gerum er að hafa hugmyndakassa þar sem þau geta sett hugmyndir, tillögur eða óskir hvenær sem þeim dettur í hug. Barnaráðsfundir eru svo í annarri hverri viku á mismunandi vikudögum þannig að við útilokum enga hópa frá þátttöku. Börnin sem mæta á fundina kjósa svo um það sem sett hefur verið í kassann, sem fara svo í kosningu til allra. Passað er að um 80% skráðra barna kjósi áður en farið er í að setja tillögur/óskir/hugmyndir í framkvæmd og einnig er passað að viðburðir sem valdir eru af krökkunum séu settir á ólíka vikudaga þannig að það séu ekki alltaf sömu börnin sem missi af þeim.

Við erum dugleg við að nota opinn efnivið og flétta tækninni inn í starfið okkar þannig að krökkum gefist færi á að fá sem flesta snertifleti við verk-, tækni- og listnám. Við leggjum áherslu á skapandi verkefni, hvort sem er í stuttum smiðjum eða lengri klúbbum og reynum að flétta saman skapandi vinnu og verklega vinnu þar sem þau þjálfast í meðferð áhaldna, s.s. með skartgripagerð, ljósmyndum o.s.frv.

## **Aðgerðaráætlun Frostheima árið 2018-2019**

### **Markmið með öllu starfi í Frostheimum:**

- Að skapa traust og virðingu hjá foreldrum og börnum, ásamt því að þróa gott umhverfi fyrir börnin og tryggja það að hæft starfsfólk vinni hjá okkur.
- Að börnin líti á frístundaheimilið sem stað þar sem gleði, sjálfstæði og samhygð eru mikils metin í traustu og þroskandi umhverfi.
- Að börnin líti á hina fullorðnu sem traustar og jákvæðar manneskjur sem gott og gaman er að leita til og umgangast.
- Að hinir fullorðnu komi til móts við börnin og gefi sér tíma til að hjálpa þeim og hlusta á óskir þeirra, þarfir og kynnast þeim sem einstaklingum.
- Efla ábyrgð og sjálfstæði barna til þess að takast á við dagleg störf.
- Að börnin læri að sýna virðingu og umburðarlyndi í samskiptum við annað fólk og læri að umgangast hvort annað á jafningjagrundvelli.

### **Framtíðarsýn**

- Að börnin og þarfir þeirra séu í forgrunni í öllu sem við gerum og að starfið miði að því að örva og þroska félagsfærni þeirra.
- Að efla innra starf og bjóða upp á fjölbreytt starf fyrir börnin.
- Veita börnum skemmtilegt og örvandi öruggt athvarf eftir skóla, þar sem þau geta eflt félagsfærni sína og öðlast sjálfstæði meðal jafningja, en jafnframt að sinna ákveðnu uppeldi, búa þau undir lífið.

- Lífsleikni utan skólastofunnar. Megintilgangurinn er að hvert barn fái að njóta sín og þroskast í umhverfi sem einkennist af hlýju, öryggi og virðingu.
- Að börnin fái sem mest út úr sínum frítíma sem þau upplifa að sé vel varið.
- Stuðla að félagslegum þroska barna, upphefja fjölbreytileika, stuðla að sköpun, og efla sjálfsmynd barnanna sem í Frostheimum dvelja.
- Leyfa börnunum að njóta þess að vera börn. Þjálfa félagsfærni, fræðast og hafa gaman!
- Áherslur í starfinu eru samvinna allra aðila, starfsmanna, barna og foreldra fyrst og fremst. Gleði og ábyrgð.

## Gildi Frostheima

Ábyrgð	Hjálpssemi	Samvinna	Vinátta	Virðing
Við berum ábyrgð á því að stimpla okkur inn og út.	Við hjálpumst að við að ganga frá.	Margar hendur vinna létt verk.	Til þess að eignast vin þarftu að vera vinur.	Við komum fram við aðra eins og við viljum að aðrir komi fram við okkur.
Við berum ábyrgð á svæðinu okkar.	Við erum alltaf tilbúin að hjálpa.	Við vinnum öll saman sem ein liðsheild.	Við leggjum okkur fram við að vera vinir.	Við berum virðingu fyrir sjálfum okkur og öðrum.
Við berum ábyrgð á því sem við segjum.	Við shjálpum öðrum ef við sjáum að hann/hún er í vanda.	Sameinuð stöndum við, sundruð föllum við.	Við skiljum engan útundan.	Við berum virðingu fyrir umhverfi okkar.
Við berum ábyrgð á hegðun okkar.	Hjálpumst að við að gera Frostheima að svalasta frístundaheimilinu.	Við þurfum öll að leggja okkur fram.	Traustur vinur getur gert kraftaverk.	Við berum virðingu fyrir skoðunum annarra.

## Starfsáætlun ágúst 2018- ágúst 2019

vinnuþagg sem getur tekið breytingum yfir starfsárið.

- **Ágúst**
- Sumarfrístund hefst aftur eftir sumarlokun. 7.-10.08 Listir og sköpun, vísindi og tilraunir. 13.-17.08 Borgin okkar á hjólum. 20.08 Heimadagur.
- **Starfsdagur í Frostheimum 21. ágúst og skólarnir settir 22. ágúst. LOKAÐ í Frostheimum.**
- 23. ágúst opna Frostheimar fyrir börn sem hafa fengið pláss.
- Ráðning nýrra starfsmanna.
- Valkerfið sett af stað – teknar myndir af börnunum.

- Tekið á móti börnum og þeim kynnt starfið og starfsfólkið í Frostheimum, farið í gildin okkar og helstu reglur Frostheima.
- Starfsfólk og börn kynnast og samstillast starfið.
- **Þemadagar 27. – 31. ágúst: Farið í ratleik um hverfið til að kynna umhverfi Frostheima.**

## - **September**

- Unnið með gildið **Samvinna.**
- Börn úr þremur skólum í Frostheimum, hvernig vinnum við saman að því að öllum geti liðið vel í Frostheimum?
- Samvera sett af stað, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- Mikil útivera.
- Nýir starfsmenn sendir á nýliðanámskeið.
- Liðsheildarvinna starfsmanna Tjarnarinnar.
- **Þemavika frístundaheimila Tjarnarinnar 17.-21.september: Hreysti og vellíðan. Einbeitum okkur að líkamlegu og andlegu hreysti og vellíðan. Skemmtileg verkefni og fræðsla unnin alla vikuna.**
- **Foreldrakynning Frostheima miðvikudaginn 26. september frá kl.17:15-18:15 í Frostheimum. Starf og starfsfólk kynnt. Barnapössun á staðnum.**
- Barnaráð 4. bekkinga fundar í vikunni 24.-28. september og ákveður einn dag í viku sem Fjarkinn, félagsmiðstöð 4. bekkinga verður í boði.
- Farið af stað með þróunarstyrksverkefnið „Flogið úr hreiðrinu“ í samstarfi við 4. bekkinga í Draumalandi þar sem krakkarnir og starfsfólk skipuleggja flotta lokaferð á vorönn 2019 og kveðja frístundaheimilið. Ferðaráð fundar einu sinni í mánuði til skiptis í Frostheimum og Draumalandi og skipuleggja lokaferðina.
- Barnaráð Frostheima og Hugmyndakassinn kynnt 3. bekkingum vikuna 24.-28. september og fyrsti fundur haldinn miðvikudaginn 10. október. Kosning um hugmyndir í kjölfarið.

## - **Október**

- Unnið með gildið **Vinátta og gleði.**
- **Þemavika frístundaheimila Tjarnarinnar 8.-12. október: Vísindi og tilraunir. Skemmtilegar tilraunir og fræðsla alla vikuna.**
- **Vináttuvika í Frostheimum 15.-19. október. Unnið með gildin vinátta og gleði, settur af stað leynivinaleikur, hvernig erum við góðir vinir vina okkar? Vangaveltur og leikir, föndur og fjör.**
- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- Leiklistaklúbbur hefur starfsemi vikuna 22.-27. október og er 1x í viku. Frumsemja leikrit og frumsýna á opnu húsi í nóvember.

- Myndasöguklúbbur hefur starfsemi vikuna 22.-27. október og er 1x í viku. Lært að lesa myndasögur sér til fróðleiks og skemmtunar, hönnuð og teiknuð myndasaga. Afrakstur sýndur á opnu húsi í nóvember.
- Útiklúbbur/Smíðaklúbbur hefur starfsemi vikuna 22.-27. október og er 1x í viku. Lært að finna efnivið í umhverfinu og hanna og smíða hluti.
- Aðrir klúbbar og smíðjur fara af stað, kynnt í samveru og vali.
- Barnaráð 3. bekkinga fundar einu sinni.
- 4. bekkingar hittast og ígrunda Fjarkann, gera breytingar ef þarf og skipuleggja næstu skipti.
- Ferðaráð „Flogið úr hreiðrinu“ fundar einu sinni í Frostheimum og skipuleggja lokaferðina.
- **Heilir dagar í október: Grandaskóli 3.10, Melaskóli ? og Vesturbæjarskóli ?**
- **Vetrarfrí skólanna fimmtudaginn 18.10, föstudaginn 19.10 og mánudaginn 22.10, LOKAÐ í Frostheimum. Fjölskyldudagskrá í boði Tjarnarinnar, nánar auglýst síðar.**
- Starfsdagur barnastarfs Tjarnarinnar fimmtudaginn 18. október.
- **Hrekkjavökupartý Frostheima miðvikudaginn 31. október.**
- Fréttabréf barnanna gefið út af Fréttasmiðju Frostheima, birt á facebooksíðu Frostheima og sent foreldrum með vikupistli í tölvupósti.

## - **Nóvember**

- Unnið með gildið **Hjálpsemi**.
- Einblínt á hjálpsemi í tengslum við Jólabasar frístundaheimilanna. Af hverju erum við að fönndra og safna peningum fyrir önnur börn úti í heimi? Umræður, fræðsla og leikir.
- Undirbúningur og fönndur fyrir Jólabasar frístundaheimilanna í Tjörninni.
- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- **Haldið upp á afmæli Barnasáttmálans með þemaviku 19.-23. nóvember í frístundaheimilum Tjarnarinnar. Réttindi barna og skyldur, skemmtileg og fróðleg verkefni unnin alla vikuna.**
- Barnaráð 3. bekkinga fundar tvisvar.
- 4. bekkingar hittast og ígrunda Fjarkann, gera breytingar ef þarf og skipuleggja næstu skipti.
- Ferðaráð „Flogið úr hreiðrinu“ fundar einu sinni í Frostheimum og skipuleggja lokaferðina.
- Fréttabréf barnanna gefið út af Fréttasmiðju Frostheima, birt á facebooksíðu Frostheima og sent foreldrum með vikupistli í tölvupósti.
- **Heilir dagar í nóvember: Allir skólar 2.11.**
- **Foreldrafimmtudagur/opið hús 22. nóvember kl.16:00-17:00. Börnin bjóða foreldrum í kaffi, spjall og spil. Leiklistaklúbbur frumsýnir frumsamið leikrit. Fleiri klúbbar/smiðjur sýna afrakstur sinn á svæðum.**



## - Desember

- Unnið með gildið **Ábyrgð**.
- Hópefli og tekin ábyrgð á söfnunarverkefni, látið gott af sér leiða.
- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- Jólaföndur og annað skapandi starf sem tengist jólunum.
- **Jólamarkaður frístundaheimila Tjarnarinnar haldinn í sal Tjarnarinnar fimmtudaginn 6. desember. Safnað fyrir UNICEF.**
- Klúbbar og smiðjur í pásu, notalegheit á valsvæðum.
- Barnaráð 3. bekkjar fundar einu sinni.
- 4. bekkingar hafa jólahuggulegt í Fjarkanum.
- Ferðaráð „Flogið úr hreiðrinu“ fundar einu sinni í Frostheimum og skipuleggja lokaferðina.
- **Heilir dagar í Frostheimum í jólafrí skólanna: 20.12, 27.12 og 28.12.**

## - Janúar: Gleðilegt árið 2019 ☺

- **Heilir dagar í janúar: Allir skólar miðvikudaginn 2.01 og fimmtudaginn 3.01.**
- **Frostheimar 9 ára 4. janúar, haldið upp á afmælisdaginn föstudaginn 4.janúar með skemmtilegum uppákomum. Foreldrum boðið að koma og þiggja kaffi og afmælisöku á afmælisdaginn.**
- Unnið með gildið **Virðing**.
- Hópefli og unnið með verkefni tengd virðingu.
- **Þemadagar 21.-25. janúar: Hvernig komum við fram við aðra? Skemmtileg og fróðleg verkefni unnin alla vikuna.**
- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- Ráðning nýrra starfsmanna.
- Tökum upp smiðju/klúbbastarf eftir pásu í desember mánuði.
- Nýir starfsmenn sendir á nýliðanámskeið.
- Barnaráð 3. bekkjar fundar tvisvar.
- 4. bekkingar hittast og ígrunda Fjarkann, gera breytingar ef þarf og skipuleggja næstu skipti.
- Ferðaráð „Flogið úr hreiðrinu“ fundar einu sinni í Frostheimum og skipuleggja lokaferðina.

## - Febrúar

- Unnið með gildið **Vinátta og gleði**.
- **Þemavika frístundaheimila Tjarnarinnar 11.-15. febrúar: Fjölmíðlalæsi. Fræðsla og leikir, rýnt í efni í hinum ýmsu fjölmíðlum.**
- **Vináttudagar í Frostheimum 18.-22. febrúar. Unnið með gildin vinátta og gleði, settur af stað leynivinaleikur, hvernig erum við góðir vinir vina okkar? Vangaveltur og leikir, föndur og fjör.**



- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- Fyrsta fréttabréf Fréttaklúbbs Frostheima árið 2019 gefið út.
- **Heilir dagar í febrúar: Grandaskóli 5.02.**
- **Vetrarfrí skólanna, LOKAÐ í Frostheimum 25.02 og 26.02. Fjölskyldudagskrá í boði Tjarnarinnar, mánudaginn 25. febrúar, nánar auglýst síðar.**
- Barnaráð 3. bekkjar fundar tvisvar.
- 4. bekkingar hittast og ígrunda Fjarkann, gera breytingar ef þarf og skipuleggja næstu skipti.
- Ferðaráð „Flogið úr hreiðrinu“ fundar einu sinni í Frostheimum og skipuleggja lokaferðina.

## - Mars

- Unnið með gildið **Hjálpssemi og jafnræði.**
- **Foreldraviðtöl.** Foreldrar geta óskað eftir viðtali við forstöðukonur og/eða aðstoðarforstöðukonu og fengið endurgjöf um hvernig barninu gengur. Komin reynsla á starfið og starfsfólk og börn búin að kynnast vel.
- **Þemavika frístundaheimila Tjarnarinnar vikuna 11.-15. mars: Fjölbreytileiki. Vangaveltur um fjölbreytileika, fræðsla og skemmtileg verkefni unnin alla vikuna.**
- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- **Þemavika 25.-29. mars: hjálpssemi ☺**
- Starfsþróunarsamtöl starfsmanna við forstöðumenn.
- **Frostheimar Got Talent fer af stað.**
- Barnaráð 3. bekkjar fundar tvisvar.
- 4. bekkingar hittast og ígrunda Fjarkann, gera breytingar ef þarf og skipuleggja næstu skipti.
- Ferðaráð „Flogið úr hreiðrinu“ fundar einu sinni í Frostheimum og skipuleggja lokaferðina.
- Bolludagur, borðum bollur ☺
- **Öskudagur miðvikudaginn 6.mars, sláum köttinn úr tunnuni.**

## - Apríl

- Unnið með gildið **Ábyrgð.**
- Hópefli og einblínt á ábyrgð orða og gjörða sinna.
- **Heilir dagar í Frostheimum í páskafrí skólanna 15.04, 16.04, 17.04 og 23.04**
- **LOKAÐ í Frostheimum á Skírdag 18.04, Föstudaginn langa 19.04 og Annan í páskum 22.04.**
- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- **Frostheimar taka þátt í Barnamenningarhátíð vikuna 23.-26. apríl.**

- Foreldrum 4. bekkinga boðið að koma og spila bingó í Eldheimum – 4. bekkur sér um bingó og veitingar. Fimmtudaginn 4. apríl kl.16:00-17:00.
- Skráning í sumarfrístund sumarið 2019 hefst.
- 2. bekkingum, tilvonandi Frostheimabúum boðið í heimsókn í Frostheima ásamt kennurum sínum.
- Byrjað að æfa fyrir og skipuleggja kassabílarallý.
- Fréttabréf barnanna gefið út.
- Barnaráð 3. bekkjar fundar tvisvar.
- 4. bekkingar hittast og ígrunda Fjarkann, gera breytingar ef þarf og skipuleggja næstu skipti.
- **Útskriftarferð 4. bekkinga farin, dagsferð út fyrir borgina ásamt 4. bekkingum í Draumalandi og starfsfólki.**
- Gengið frá ráðningum lykilstarfsmanna í sumarstarfið.

## - Maí

- Unnið með gildið **Virðing.**
- Samvera, allir í samveru 1x í viku með einum starfsmanni: hópeflisleikir, umræður um daglegt starf í Frostheimum og gildi mánaðarins.
- Hópefli og unnið með virðingu.
- 2. bekkingum, tilvonandi Frostheimabúum boðið í heimsókn í Frostheima með frístundaheimilinu sínu.
- **Kassabílarallý 3. og 4. bekkinga í Frostheimum, Eldflauginni, Halastjörnunni og Draumalandi á Klambratúni föstudaginn 17. maí.**
- Strætósmiðja þar sem börnin læra á strætó. Læra að lesa tímatöflur og hvaða strætóbílar keyra í vesturbæinn og úr honum.
- Barnaráð fundar tvisvar og gera upp veturinn. Skipuleggja húllumhæ síðasta daginn í vetrarstarfinu.
- **Heilir dagar í maí: Grandaskóli 10.05.**
- **LOKAÐ í Frostheimum Verkalýðsdaginn 1.05 og á Uppstigningardag 30.05.**

## - Júní

- **Starfsdagur Frostheima fimmtudaginn 6. júní – LOKAÐ í Frostheimum.**
- **Skólaslit skólanna föstudaginn 7. júní - LOKAÐ í Frostheimum.**
- Sumarfrístund hefst þriðjudaginn 11.júní.

## - Júlí

- Sumarfrístund.
- Sumarlokun frístundaheimila Tjarnarinnar.